



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Exercitium Perfectionis, Et Virtutum Christianarum

In tres Partes distinctum

**Rodríguez, Alonso**

**Coloniæ Agrippinæ, 1622**

XXXIV. Quomodo hoc exercitium amplius possit extendi, & aliis applicari.

**urn:nbn:de:hbz:466:1-40072**

Apostolus quoque Paulus, ad Philippen-  
 ses scribens, iis cōsulit, *Gaudete in Domino  
 semper.* Cum autem putaretur cōsiliū nō  
 esse huiusmodi, quod semel indicari satis  
 sit ipsum repetit, & secundo inculcat di-  
 cens, *Iterum dico gaudete.* Hoc item gau-  
 dium est, quo sanctissima Virgo mater ex-  
 ultavit, ut in cantico suo ipsa testatur: *Et  
 exultavit spiritus meus in Deo salutari meo.*  
 Hoc eodem gaudio perfusus fuit ipse Re-  
 demptor Iesus, utpote de quo Euangelista  
 scribit, *Exultavit spiritu sancto.* Idem qui  
 supra Pfaltes, tanto animum suum gaudio  
 fuisse imbutum ac repletum, ait dum se-  
 cum ipse cogitaret, quam ingens esset Dei  
 bonum & gloria, & quam dignissimus, ut  
 oēs infinito suo quod habet bono gaude-  
 ant & exultent, ut præ eius copia & abun-  
 dantia etiam in corpus redundaret, atque  
 ipsa etiam caro in Dei amore inflammaretur.  
*Cor meum, inquit, & caro mea exulta-  
 verunt in Deum vivum.* Alio vero loco ait,  
*Anima mea exultabit in Domino, & delecta-  
 bitur super salutari suo: Omnia ossa mea di-  
 cent; Domine quis similis tui?*

Ecclesia ad  
 Dei amorem  
 & gaudium  
 nos inuitat.

Quoniam autem hic amor quid adeo  
 diuinum & caeleste est; hinc Ecclesia, à  
 Spiritu sancto directa & gubernata, in ip-  
 so Horatium Canoniarum principio, dū  
 Matutinum auspiciatur per Inuitatorium  
 nos filios suos ad hoc modo Dominum a-  
 mandum inuitat, nimirū ut infinitis bo-  
 nis eius lætemur & exultemus: quæ verba  
 è Psalmo nonagesimo quarto desumpta  
 sunt, *Venite, exultemus Domino, iubilemus  
 Deo salutari nostro, præoccupemus faciem e-  
 ius in confessione, & in Psalmis iubilemus ei.*  
*Quonia Deus magnus Dominus, & Rex ma-  
 gnus super omnes Deos, &c. Quoniam ipsis,  
 est mare, & ipse fecit illud, & aridam funda-  
 verunt manus eius, &c.*

Gloria Patri  
 & Filio &  
 Spiritui San-  
 cto.

Eandem ob causam, & ad eundem finem  
 omnes nos Ecclesia Psalmos in hoc versu-  
 culo vult terminare, *Gloria Patri, & Filio,  
 & Spiritui sancto: Sicut erat in principio, &  
 nunc, & semper, & in secula seculorum. A-  
 men.* Hoc scilicet est, illud intrare in gaudi-  
 um Domini, de quo Saluator Iesus in Eu-  
 angelio ait, *Intra in gaudium Domini tui:*

Mat. 25. 21.

participare inquam de infinito illo Dei  
 gaudio, & vna cum ipso Deo, ob ipsius  
 gloriam, pulchritudinem, & infinitam  
 abundantiam, iubilare & exultare.

Ut autem erga hoc exercitium magis a-  
 nimemur, & in hoc gaudio & mentis ex-  
 ultatione semper proficiamus non paruo  
 ad hoc nobis adiumento erit, cōsiderare,  
 quā bonus pulcher, & gloriosus sit Deus.  
 Tam eminenter quippe ipse omnia hæc  
 est, ut vel sola eius visio ipsos vidētes beo-  
 adeo ut, si qui inferno dirissime crucian-  
 tur, Deum viderent, omnia illorum tor-  
 menta mox cessarent, quin & infernus ip-  
 se in paradysum conuerteretur. Vnde et-  
 iam ipse Christus apud D. Ioannem orat,  
*Hæc est autem vita æterna, ut cognoscant  
 solum Deum verum.* In eo namque omnis  
 sanctorum gloria consistit, ut facie ad fa-  
 ciem videant Deum; & vna hæc visio eos  
 beatos reddit: idque non in vnum diem &  
 annum, sed in perpetuas æternitates, quia  
 nunquam Deo videndo saturabuntur,  
 sed gaudium hoc ipsis semper nouum &  
 velut non habitum videbitur, iuxta illud  
 Apocalypseos, *Et cantabunt quasi can-  
 tum nouum.*

Satis quidem abunde per hoc infinita  
 Dei bonitas, pulchritudo & perfectio vi-  
 deretur potuisse declarari, tamē adhuc pla-  
 ra his addi queunt, & quidem multo pla-  
 ra, Deus namque in seita pulcher & glo-  
 riosus est, ut etiam ipsemet sui ipsius videri  
 ne beatus sit Nam gloria & beatitudo Dei  
 non nisi in seipso videndo & amando sita  
 est. Vide ergo, num merito in tali bonita-  
 te, pulchritudine & gloria gaudere & ex-  
 ultare possimus, que vniuersam illam ci-  
 uitatem Dei lætificat, omnesque eiusdem  
 ciues beatificat: imo Deus ipse, seipsum  
 cognoscendo & amando, beatus est.

#### CAPVT XXXIV.

*Quomodo hoc exercitium amplius  
 possit extendi, & aliis appli-  
 cari.*

POSSVMVS in hoc exercitio etiam latius  
 nos diffundere, hunc videlicet am-  
 orem

rem erga sacratissimam illam Christi Iesu humanitatem exercedo: vt nimirum magnam eius dignitatem & perfectionem consideremus, atque in ea nobis complectar ac delectemur, exultemus quoque & letemur, quod benedicta illa Christi Domini humanitas sublimis a deo euecta, & cum persona diuina tam intime coniuncta sit; quod gratia & gloria tam plena existat, quod aptum ea diuinitatis sit instrumentum ad res a deo eximias, quales sunt omnium electorum sanctificatio & glorificatio, & omnia supernaturalia dona & gratia, quae hominibus communicantur, operandas.

De quacumq; dein re gaudeamus, quae ad gloriosissimam illius animam, & sanctissimi Domini nostri Iesu Christi corporis perfectionem & gloriam quoquomodo attinet; atq; in eo nos per visceralem quandam amoris & iubilum detineamus: proinde ac Religiosissimam Angelorum Reginam Mariam in die Dominicae Resurrectionis exultare debuisse sancti Patres imaginantur dum benedictum filium suum Iesum tanto cum triumpho & gloria a mortuis resuscitatum vident; & sicut Iacob Patriarcham, audito filium suum Ioseph adhuc viuere, & dominari in tota terra Aegypti, tanto gaudio perfusum & delibutum sacra Scriptura commemorat, vt spiritus eius reuixerit, ac dixerit, Sufficit mihi, si adhuc Ioseph filius meus viuit, vadam & videbo illum, antequam moriar.

Idem hoc exercitium gaudii B. Virginis Mariae, ac reliquorum sanctorum gloriae accommodare possumus. Et sane, non contemnenda erit deuotio, aliam quam orationis partem in eorum festiuitatibus huic exercitio impendere: vix enim vllum maius eis obsequium ac cultum possumus deferre: maximus quippe, quem erga eos ostendere possumus, amor est, vt summum quod habere possint bonum, iis velimus & exoptemus, deque tam ingenti eorum gaudeamus, & exultemus, eamq; illis festo gratulemur. Sic nobis istuc exercitium sancta Mater Ecclesia in festo assumptionis Deiparae Matris proponit, canens, Ho-

die Maria Virgo calos ascendit: gaudete quia cum Christo regnat in aeternum. Quin & sacrum Missae officium in hoc & aliorum sanctorum festis, a quadam ad hoc exercitium inuitatione & cohortatione ad ipsam vsurpandum, idq; Angelorum in hoc se identidem exercentium exemplo, auspiciatur: Gaudeamus omnes in Domino, diem festum celebrantes sub honore Beatae Mariae Virginis, de cuius assumptione gaudent Angeli, & collaudant filium Dei.

Est & aliud in exercitii huius quoad sanctus, ac praesertim quoad sacratissimam Christi Iesu Domini nostri humanitatem vsurpatione bonum & utilitas: nimirum quod per hoc homo paulatim ascendat & accessum habeat ad alia diuinitatis exercitia: nam, vt ipse Christus desceat, ipse via & ianua est, per quam ad Patrem quis introeat & accedat.

Exercitium hoc, cum circa Deum sit, in quantum Deus est, suos item habet gradus, vt in eo semper longius nos diffundere possimus, & extendere, cum ad res, quae quotidie nobis obuia & familiares sunt, descendimus. nam, esto verum sit, Deum in se maiorem neutiquam posse fieri, quia infinitus est, nullum proinde ei ad intra a nobis optari bonum posse, quod iam de facto non habeat; exterius tamen in creaturis, crescere & maior fieri potest, magis inquam ab iis cognosci, amari, & glorificari. Quare amorem hunc exercere etiam possumus, si externum & accidentarium hoc bonum Deo optemus.

Cum ergo anima in oratione considerabit, quam Deus sit a creaturis suis amari & seruari dignus, velle & desiderare debet, vt omnes animae, tam ante creatam, quam postea creandam omnibus in rebus eum cognoscant, ament, laudent & glorificent, hac formula: Quis Domine ad te conuertere queat omnes quotquot in mundo sunt in fideles & peccatores; & efficere, nemo vt te offenderet, omnes vero tibi obedirent, seq; tui cultui tam modo, quam in perpetuas aeternitates, impenderent! Sanctificetur nomen tuum. Et, Omnis

Gaudeamus omnes in Domino.

Ab humanitate Christi transitar ad diuinitatem.

Ioan. 10. 7. & 14. 6.

Dei gloria exterius in creaturis crescere potest.

Formula Testis ammarum & gloria Dei.

Sanctificetur nomen tuum. Math. 6. 9.

LETTA

*Psal. 65. 4.* terra adoret te, & psallat tibi, psalmum dicat nomini tuo. Hic porro mille obsequiorum à creaturis Deo præstandorum, modos excogitare possumus, eosque ei optare.

Hinc quisque ad se descendere, & desiderare, velle debet, vt Dei voluntas, atq; adeo quidquid maior eius gloria est, in iis quæ ad se pertinent adimpleatur; semper omne id facere studendo, quod Dei voluntatem, & maiorem eius gloriam esse intellexerit: iuxta id quod de se Redemptor Iesus in Euangelio ait: *Ego, quæ placita sunt ei (Patri meo) facio semper.* Nam vt Ioannes Apostolus scribit, *Qui dicit se nosse Deum, & mandata eius non custodit, mendax est, & in hoc veritas non est: qui autem seruat verbum eius, vere in hoc caritas Dei perfecta est.*

*Laborandum non modo vt omnes voluntatem Dei faciant, sed & au ipse.*

Adeo vt ad Deum amandum, totalemque cum eius beneplacito conformitatē habendam, satis non sit, hominem in Dei bonis sibi complacere & gaudere, ac velle vt omnes reliquæ creaturæ Deum ament & glorificent verum insuper requiratur, vt ipse diuinæ voluntati adimplendæ totum se offerat & deuoeat. Atque hunc a-

morem tum anima exercet, cum in oratione vera voluntatis Dei in hac, & in illa re, & in aliis quæcunque occurrent, adimplendæ proposita & desideria concipit. Quod est exercitium, in quo ordinariè nos in oratione exercere solemus.

Spatiosum quendam hoc specimine campum aperuimus, ad nos, dum orationi insistimus, multo tempore in hoc exercitio occupandos; simul etiam vtilitatem, & insignem quæ in eodem continetur, perfectionem demonstrauimus, vt aliud reliquum non sit, quam manum operi admouere, & quoddam iam tum hic in terra periculum in nobis facere incipere eius, in quo postea æternum in cælo tam eminenter & excellenter nos exercituri sumus. *Cuius ignis est in Sion, & carminis eius in Ierusalem.* Iam tum quidem hic in terra hic amoris Dei ignis in nobis accendi & fumigare incipere debet, sed ipsius eius inflammationes, altitudo & perfectio in cælesti illa Ierusalem, id est in gloria, locum habebunt.

*Finis Primæ Partis.*

